

評古

乙文

古韻

文語



古 文 韻 語

楊 慎 撰

編主五雲王

編初成集書叢

種一他其及語韻文古

中華民國二十八年十二月初版

朱徐

發行人

王雲五
長沙南正路

印刷所

商務印書館

發行所

商務印書館
各埠

(本書校對者 潘同曾 黃聿祥)

台



叢書集成

初編

主編者
王雲五

商務印書館發行

古文韻語

本館據函海本排
印初編各叢書僅
有此本

升菴襍探古占繇銘贊祝之詞。爲古文韻語一卷。引證博而音釋詳。好古者爭先快覩。於以見昔人重文而用韻之書。自六經而外。亦時見於他說也。然其閒亦有不可強通者。則當略韻而取其文焉。或曰韻風度也。韻語與雅言訓同亦通。童山李調元兩村序。

古文韻語卷一

明 新都楊慎撰 清 綿州李調元校定

女媧筮辭

易緯女媧張靈幕
杖占之曰吉云

昭昭九州日月代極均平土地和合四國

羿妻筮辭

靈

羿請不死之藥於西王母姮娥竊之以奔月筮於有黃有黃曰吉

翩翩歸妹獨將西行逢天晦芒毋驚毋恐後其大昌

連山繇辭

山海經注

空山之蒼蒼八極之既張乃有夫羲和是主日月職出入以爲晦明

歸藏繇辭

太平御覽

有人將來遺我貨貝以至則徹以求則得有喜將至良人得其玉君子得其粟

有鳧鴛鴦有鴈鸕鷀

鼎有黃耳利取鮪

鮪同鯉

歸藏齊母經辭

爾雅疏

瞿有瞿有音介宵梁爲酒尊於兩壺兩輸飲之三日然後蘇士有澤我取其魚

君子戒車。小人戒徒。闕有白雲。自蒼梧入於大梁。上有高臺。下有醴池。若以賈市。其富如河海。

周穆王筮獵辭

藪澤蒼蒼。其宜傳作正公。戎事則從。

魯桓公筮成季傳左

同復於父。敬如公所。

秦伯筮伐晉

千乘三去。社三去之餘。獲其雄狐。

晉筮嫁伯姬於秦繇

士刳羊。亦無益也。女承筐。亦無貺也。西鄰責言。不可償也。歸妹之睽。猶無相也。

晉厲公筮擊楚子

南國蹙射其元。王中厥目。

夏后鑄鼎兆辭

逢逢白雲。一南一北。一西一東。九鼎既成。遷於三國。

桀伐唐兆辭

不利出征。惟利安處。彼爲狸。我爲鼠。勿用作事。恐傷其父。

文王卜田兆

非龍非鵬。非熊非羆。兆得公侯。天遣汝師。

姜后卜兆辭汲冢師春

周穆王姜后孕。越姬嬖。竊而育之。斃以元鳥。二七塗以蕘血。王發書而卜之。兆曰。

蜉蝣之羽。飛集於戶。鴻之戾止。弟弗克理。重靈降誅。尙復其所。于是王問諸史。約曰。蟲飛集戶。是曰失所。親將留其身。歸于母氏。而後獲寧。册而藏之。厥休將振居三月。越姬死。七日而復。言其情曰。爾夷隸也。胡竊君之子。不歸。將置而大戮。及王子始。

陳敬仲卜妻兆

鳳皇于飛。和鳴鏘鏘。有媯之後。將育于姜。五世其昌。並于上卿。八世之後。莫與之京。

晉獻公卜伐驪戎兆

挾以銜骨。齒牙爲猾。戎夏交猝。

晉卜立驪姬兆

專之渝。讓公之俞。伴衍字一薰一蕕。十年尙猶有臭。

魯桓公卜成季兆

間於兩社。爲公室輔。

衛卜殺渾良夫兆

如魚竄尾。衡流而方羊。裔焉大國。滅之將亡。闔門塞竇。乃自後踰。

衛卜追鄭師兆

兆如山陵。有夫出征。而喪其雄。

周公卜洛命龜辭

說死

予一人兼有天下。辟就百姓。敢無中土乎。下音虎

周公卜曲阜命龜辭

作邑乎山之陽。賢則茂昌。不賢則速亡。

漢文帝卜卽位兆

大橫庚庚。余爲天王。夏啓以光。以上筮繇卜兆之辭

巾机銘

帝黃

予居民上。搖搖恐夕不至朝。惕惕恐朝不至夕。兢兢慄慄。日慎一日。人莫躓于山而躓于垤。

衣銘

武王

桑蠶苦女工難。得新捐故後必寒。

鏡銘

以鏡自照見形容。以人自照見吉凶。

鑑銘

見爾前慮爾後。

觴銘

樂極則悲。沉湎致非。社稷惟危。

觴豆銘

食自杖。食自杖。戒之僑。僑則逃。

几銘

安無忘危。存無忘亡。孰是二者。必後無凶。

杖銘

輔人無苟。扶人無咎。

杖銘

惡乎危。於忿寃。惡乎失道。於嗜欲。惡乎相忘。於富貴。

筆銘

毫毛茂茂。陷水可脫。陷文不活。

箠銘

馬不可極。人不可劇。馬極則殞。人劇則敗。

冠銘

寵以著首。將身不正。遺爲德咎。

履銘

行必慮正。無懷僥倖。

屨履銘

慎之勞。勞則富。

劍銘

常以服兵。而行道德。行則福。廢則覆。

劍銘

帶之以爲服。動必行德。行德則興。倍德則崩。

車銘

自致者急。載人者緩。取口無度。自致而反。

門銘

敬遇賓客貴賤無二

戶銘

出畏之入懼之

戶銘

名難得而易失無勲弗志而曰我知之乎無勲弗及而曰我杖之乎闕阻以泥之若闕將至必先搖搖雖有聖人不能爲謀也

牖銘

隨天時地之財敬祀皇天敬以先時

牖銘

闕望窓可念所得且思所忘窓或突字說文鳥到切室西南也

鑰銘

昏謹守深察訛

硯銘

石墨相著則黑邪心讒言得無汚白

鋒銘

忍之須臾，乃全汝軀。

刀銘

刀利磴磴，無爲汝開。

弓銘

屈中之義，廢興之衡，無忘自過。

矛銘

造矛造矛，少闕不愆，終闕之蒸，予一人所聞，以戒後世子孫。

帶銘

火滅修容，慎戒必恭。闕三字

機銘

皇皇惟敬，口生啗口。闕三字

井銘

原泉滑滑，連旱則竭，取事有信，賦斂有節。

席前左端銘

安樂必敬。

席前右端銘

無行可悔。

後左端銘

一反一側亦不可以忘。

後右端銘

所見不違視爾所代。

盥盤銘

與其溺於人也。寧溺於淵。溺於淵猶可游也。溺於人不可救也。

楹銘

毋曰胡殘其禍將然。毋曰胡害其禍將大。毋曰胡傷其禍將長。

金人銘

戒之哉。無多言。無多事。多言多敗。多事多害。安樂必戒。無行所悔。勿謂何傷。其禍將長。勿謂何害。其禍將大。勿謂不聞。神將伺人。焰焰不滅。炎炎若何。涓涓不塞。終成江河。綿綿不絕。或成網羅。豪末不扎拔也。將尋斧柯。誠能慎之。福之根也。曰是何傷。禍之門也。強梁者不得其死。好勝者必遇其敵。盜憎主人。民怨其上。君子知天下之不可上也。故下之。知衆人之不可先也。故後之。溫恭慎德。使人慕之。執雌持下。人莫踰之。

人皆趨彼。我獨守此。人皆惑之。我獨不徙。內臧乃智。不示人技。我雖尊高。人弗我害。天道無親。常與善人。戒之哉。

金匱銘古音略例。堯作黃帝。振振作惓惓。

堯之居民上也。振振如臨深淵。舜之居民上也。慄慄恐朝。不及夕。武王曰。吾并殷民。居其上也。翼翼懼不敢息。

商鼎銘語

嗛嗛之德。不足就也。不可以矜。而祇取憂也。憂叶音。作去聲讀。嗛嗛之食。不足狃也。不能爲膏。而祇離其咎也。

讒鼎銘左傳

昧且不顯。後世猶怠。

正考父鼎銘

一命而僂。再命而偃。三命而俯。循墻而走。亦莫敢余侮。饘於是。粥於是。以糊余口。

孔悝鼎銘

六月丁亥。公假于太廟。公曰。叔舅。乃祖莊叔。左右成公。成公乃命莊叔。隨難于漢陽。卽宮于宗周。奔走無射。啓右。獻公。獻公乃命成叔。纘乃祖服。乃考闕二。興舊嗜。欲作率慶。士躬恤衛國。其勤公家。夙夜不懈。民咸曰。休哉。公曰。叔舅。予女銘。若纘。乃考服。悝拜稽首曰。對揚以辟之。勤大命。施于蒸彝鼎。

郊鼎銘 古岐字。此周鼎也。至漢世出。見郊祀志。

王命尸臣。官此郇邑。賜爾旂鸞。黼黻瑠戈。尸臣拜手稽首曰。敢對揚天子丕顯休命。

師春銘

炎炎者滅。隆隆者絕。的的者獲。提提者射。

臬氏量銘 考工記

時文思索。允臻其極。嘉量既成。以觀鄭康成注示也四國。永啓厥後。茲器維則。

祭侯器銘

惟若寧侯。母或若女。不寧侯不屬于王所。故抗而射。女強飲強食。詒女曾孫。諸侯百福。

衛靈公掘沙邱石椁銘 注子

不馮其子。靈公奪而里。

漢滕公掘石銘

佳城鬱鬱。三千年見白日。嗟哉滕公居此室。

梁大同圮墓銘

龜言土。著言水。旬服黃鍾。啓靈址。瘞在三上。庚墮。遇七中。已六千三百。浹辰交。二九重。三四百圮。梁大同四年七月。任叻子鍾山。墟中得銘曰云云。當時莫能辨。因藏之。戒諸子曰。世世以銘訪通人。有知之者。吾死無恨。叻五世孫升之。隱居商洛。寫以示鄭欽。說欽說。出使得之于長樂驛。至數方三十里。而悟曰。卜宅者。隱葬。